



**SCOLA
LUMNEZIA**

910.20

Reglament medias ed informatica (MI) per scolars e scolaras

dils 7 d'ust 2014

vers. 2.1 (14 d'ust 2019)

<i>Decisiun</i>	<i>vigur</i>	<i>versiun.</i>	<i>midada</i>
11.12.14	01.08.2014	1.0	niev
14.08.19	19.08.2019	2.1	rev.



Nominaziuns da personas, funcziuns e mistregn serefereschan ad omisduas schlatteinas.

Reglament medias ed informatica (MI) per scolars e scolaras

Versiun 2.1 adattada dil cussegl da scola ils 14 d'ust 2019
ed en vigor a partir digl onn da scola 2019/20.

1. General

- 1 Als scolars stattan a disposiziun in access agl internet (duront l'instrucziun), ina plattaforma (cloud) e tenor diever in conto dad e-mail. In e scadin ei dumandaus da contribuir ad in menaschi senza incaps e da suandar las reglas necessarias.
- 2 La scola Lumnezia empresta als scolars dalla 5. – 9. classa in ipad personal.
- 3 Als scolars dalla 1. – 4. classa ed als scolarets stattan ipads per part a disposiziun duront l'instrucziun.
- 4 Ils ipads, la software installada e tutta furnitura accessoria resta duront igl entir temps da scola proprietad dalla scola Lumnezia.

Las rollas dils differents cumpigliai vegnan definidas suandontamein. Quintond cun in agir saun davart dretgs e duers descrets, vegn desistiu d'ina descripciun detagliada da tuttas eventualitads pusseivlas.

Art. 1. Diever digl ipad

- 1 Igl ipad ei mied da lavur duront l'instrucziun (tenor indicaziuns dallas personas d'instrucziun).
- 2 El vegn applicaus per scuvierer differentas tecnicas da lavur che levgieschan igl emprender.
- 3 A casa vegn el duvraus per liquidar ils pensums.
- 4 La scola sa restrenscher il diever dils apparats.

Art. 2. Applicaziun digl ipad

- 1 Igl ipad ei da tractar cun quitau e survigilar bein.
- 2 Ils scolars portan igl ipad cargaus a scola ni el cass ch'el vegn buca duvraus a casa deponan els el segir en scola.
- 3 Igl ipad ei da duvrar sco mied da lavur per contonscher las finamiras definidas.
- 4 La sfera privata ei da respectar: mai dar igl ipad en mauns jasters, respectar strictamein la sfera privata dad auters.
- 5 Las reglas da diever che vegnan definidas entras ils geniturs ein da respectar a casa. Quellas ston denton possibilitar agl affon da far ses pensums.

Art. 3. Plaids-clav

- 1 Mintga scolar survegn in'identificaziun d'utilisader individuala ed in plaid-clav per s'annunziar alla plattaforma.
- 2 Per acziuns che vegnan fatgas cun l'identificaziun digl utilisader sto tut secund lez sorprendere la responsabladad. Perquei ei il plaid-clav da tractar a moda confidenziala. Igl ei scumandau da luvrar cun in account jester. Tgi che intervegn in plaid-clav jester ei obligaus da comunicar quei immediat alla persona pertuccada ni alla persona d'instrucziun da classa.



- 3 Suentar il diever eisi da sortir dalla plattafuorma e tschentar ora igl apparat confuorm agl uorden.
- 4 Deactivar il plaid-clav ei buca lubiu.

Art. 4. Dievers scumandai

- 1 Las disposiziuns legalas dil dretg penal, dil dretg d'autur e dil dretg dalla protecziun dalla giuventetgna ein da risguardar.
- 2 Igl ei scumandau da consultar ni da tarmetter vinavon cuntegns pornografics e rassistics sco era cuntegns che glorificheschan acts violents.
- 3 Sche tals cuntegns vegnan consultai per sbagli, sto l'applicaziun vegnir serrada.
- 4 La scola sa bloccar igl access a certas paginas egl internet.
- 5 Ils scolars astgan buc:
 - far ina sincronisaziun digl ipad cun in computer ordeifer la scola
 - consultar reits socialas ni dar giugs sche quei ei buca lubiu explicit dalla persuna d'instrucziun
 - duvrar in access agl internet en scola entras autras reits ch'il WLAN dalla scola Lumnezia (ex. telefonin ni autras purschidas).

Art. 5. Protecziun e segirtad dallas datas

- 1 Tenor sia obligaziun ha la scola la pusseivladad da survegilar, da controllar e da memorisar scadin traffic da datas. Quella incumbensa surpren igl administratur ni in survetsch d'informatica extern. Il scolar pertuccau vegn informaus davart igl agir.
- 2 Datas registradas en connex cun in suspect da maldiever vegnan per regla stizzadas suenter in meins ni il pli tard all'entschatta dil niev onn da scola. Quei vala buc, sch'ils fatgs plaidan per il suspect d'in maldiever graviont. La scola vegn a far diever da ses dretgs da prender envesta sulettamein sch'ella suspecta in maldiever. Ultra da quei suttastattan datas memorisadas dils utilisaders agl access ed alla controlla digl administratur e dalla direcziun dalla scola.
- 3 Ei dat negina pretensiun legala per la segirtad dallas datas memorisadas sin la plattafuorma dalla scola. La scola surprenda negina responsabladad per datas personalas piarsas entras maldiever.

Art. 6. Segirtad ella reit

- 1 Mintga scolar ei responsabels per tut ils cuntegns sin siu apparat, inclusiv il decuors dil browser, e-mails, documents e cuntegns dad audio e video. Survegn in scolar senza vuler cuntegns nuscheivels via mail ni entras ina pagina d'internet che cugliuna, ha el immediat da comunicar quei alla persuna d'instrucziun, per che lezza sappi introducir ils proxims pass necessaris. Munchenta il scolar quei, cunterfa el al contract e sto quintar cun consequenzas disciplinaras.

Art. 7. Apparats jasters

- 1 La colligaziun dad apparats jasters cun la reit dalla scola astga succeder mo cun la lubientscha dalla direcziun dalla scola.



Art. 8. Protecziun dils apparats

- 1 Il diever dalla hardware e dalla software han da succeder tenor las instrucziuns. Disturbis ni donns ein d'annunziar immediatamein alla persuna d'instrucziun. Tgi che caschuna donns intenziunadamein ni per malprecauziun, sto surpender ils cuosts da reparatura.
- 2 Sch'in apparat sto vegnir remplazzaus (vala buca per cass cun garanzia), sto il caschunader surpender ils cuosts d'in apparat niev cumparegliabel. Quei vala era per enguladetschs.
- 3 Las tastaturas ein specialmein periclitadas da miarda e liquids. Perquei eis ei scumandau da magliar e beiber avon il computer/ipad.

Art. 9. Utilisaziun dad informaziuns digl internet

- 1 La scola ei buca responsabla per il cuntegn dallas purschidas consultablas cun igl access agl internet ch'ella metta a disposiziun.
- 2 El num dalla scola astgan ins ni far contracts ni far diever da survetschs online ch'ei da pagar, senza lubientscha dalla scola.
- 3 Cun l'elavuraziun dils cuntegns ein ils dretgs d'autur ed ils dretgs d'utilisaziun da risguardar.
- 4 Sch'informaziuns vegnan tarmessas egl internet, ein las manieras usitadas da risguardar.

Art. 10. Publicaziun

- 1 La publicaziun da paginas d'internet (d'ina classa, d'ina gruppa, etc.) cun apparaturas da scola pretenda la lubientscha dalla direcziun dalla scola.
- 2 La publicaziun da cuntegns jasters (fotografias e materialias) egl internet ei mo lubida cun il consentiment digl autor. Texts, maletgs scannai ni materialias da purschidas online, eav. astgan vegnir duvrai ellas atgnas paginas d'internet mo cun il consentiment digl autor. Igl autor sto vegnir numnaus, sch'el giavischa quei.

Art. 11. Autorisaziun da diever, legitimaziun d'utilisader

- 1 Tut ils utilisaders vegnan informai davart quest reglament e sincereschan da renconuscher el.
- 2 La renconuschientscha dil reglament ei la premissa per il diever.
- 3 Utilisaders che copieschan senza lubientscha software dils computers/ipads, dalla cloud ni dalla reit ni che fan diever da cuntegns scumandai, daventan castigiabels e san vegnir persequitai dil dretg civil e penal.
- 4 Tier surpassaments da quest reglament sa la scola Lumnezia restrenscher il diever ni retrer igl apparat diltuttatg temporarmein. La persuna d'instrucziun decida davart las mesiras da lavur senza apparatura. Il scolar sto quintar cun ulteriuras mesiras disciplinaras davart dalla direcziun da scola ni dil cussegl da scola.

Art. 12. Controlla e survigilanza entras las personas d'instrucziun

- 1 La persuna d'instrucziun definescha l'utilisaziun dallas apparaturas duront l'instrucziun.
- 2 Per motivs pedagogics sa mintga persuna d'instrucziun prender da tut temps envesta ellas datas dils scolars.
- 3 Las personas d'instrucziun han la pussevividad da survigilar il(s) monitor(s) dils scolars sin in auter computer.



Art. 13. Modificaziuns dall'installaziun da hardware e software

- 1 Modificaziuns dall'installaziun e dalla configuraziun dallas medias utilizadas e dalla reit sco era manipulaziuns vid la hardware ein da principi scumandadas, sch'ellas s'audan buc explicitamein tier l'instrucziun.

Art. 14. Garanzia dalla funcziunalitad

- 1 La scola metta a disposiziun apparats intacts.
- 2 Reparaturas da garanzia e disturbis technics vegnan liquidai ni incumbensai entras la scola Lumnezia. Remplazzaments succedan medemamein entras la scola.

Art. 15. Diever digl ipad a casa

Sch'ils ipads vegnan duvrai a casa per liquidar pensums san ils geniturs decider davart il diever digl ipad da lur affons:

- 1 Ina limitaziun dil temps e dil cuntegn dall'utilisaziun fa senn.
- 2 Ils geniturs han adina il dretg da contemplar/controlлар tuts cuntegns.
- 3 Els ein responsabels per il diever digl ipad a casa.
- 4 Ordeifer il temps da scola ein ils geniturs responsabels che lur affons semovan segiramein egl internet.
- 5 Igl ei recumandabel da haver in access ad ina reit WLAN ni hotspot (internet) a casa per eventuels pensums.
- 6 Ils geniturs san s'informar tier la persuna d'instrucziun da classa, sch'els drovan informaziuns davart il diever cugl aparat.
- 7 El cass d'in donn ni enguladetsch contacteschan ils geniturs la persuna d'instrucziun da classa. Normalmein surpranda la segirada da responsablidad (Haftpflichtversicherung) tals cuosts. La scola decida da cass tier cass davart in'eventuala participaziun als cuosts da resalva.

Quest reglament ei vegnius approbaus dil cussegl da scola ils 14-08-2019.

Cuschnaus, ils 14-08-2019

Cussegl da scola Lumnezia

la presidenta:


Elisabeth Lorez

igl actuar:


Gion Casanova